

大明太宗皇帝御制藏經贊

朕惟如來為一大事出現。演三藏十二部之玄言。所以指教垂義者尚矣。自其言流于中土。翻譯其義。以化導群類。非上根圓智之士。鮮能以通之。而得其要者。或寡矣。天治心道心也者。虛靈明



贊以願轉



來慈悲之
于卷首且

該貫萬理而無所
多聞必由於藏海
於一心。以是修證。超乎圓妙。常住不動。無有所蔽。此誠末世之津梁。迷途之明炬也。朕撫臨大統。仰承鴻基。念皇考皇妣生育之恩。垂緒之德。劬勞莫報。乃遣使往西土。取藏經之文。刊梓印

施。以資為薦揚之典。下界一切生靈。均沾無窮之福。如是功德。有不可名言。若夫世之由迷惑真。交纏故業。茫然而莫之所歸者。不究竟於斯。亦莫能得其體而返其真也。推是心以濟拔流來。慈悲之
如來演義諦 法音遍克周
世界恆河沙 一一皆具足
化導於群類 咸得成正觀
有漏諸微塵 悉超於覺海
歷阿僧祇劫 廣開方便門
迷妄執空華 一切了明微

永樂八年三月初九日

世尊為證明 功德不可說 永被於生靈

堅固無動轉 永墮輪回 作如是贊嘆

如十方擊鼓 有耳皆獲聞 聞者即成覺

廣此密因義 伽大梵音 成就勝妙心

昔登無上覺 上報二重恩 下濟諸途苦

我今念眾生 深心奉塵刹 俱願澄菩提

有一弗徹者 誓不成佛陀 是故廣演說

佛藏

上海世紀出版股份有限公司上海書店
時代出版傳媒股份有限公司黃山書社

第四四冊目錄

舍利弗阿毗曇論	二十二卷	姚秦曇摩耶舍共曇摩崛多譯	(驚一—寫)	一
十).....				
阿毗達磨俱舍釋論	二十二卷	陳真諦譯	(禽一—畫二)	二八二
阿毗達磨俱舍論本頌	二卷	唐玄奘譯	(畫三—四)	五三二
三法度論	三卷	東晉僧伽提婆共慧遠譯	(畫五—七)	五四六
三彌底部論	三卷	三秦失譯師名	(畫八—十)	五六七
阿毗曇八犍度論	三十卷	苻秦僧伽提婆共竺佛念譯	(彩一—靈十)	五八二
成實論	二十卷	姚秦鳩摩羅什譯	(卷第一至卷第六)	七九六
			丙一—六)	

舍利弗阿毗曇論序

驚一

唐沙門釋道標撰

阿毗曇曇言無比法出自八音亞聖所述作之雖簡成命曲備重微曠濟神要莫比其祇桓之微風及衆流之宏趣然佛後闇昧競執異津或有我法或無我有法乖忤淳風虧朦聖道有舍利弗玄哲高悟神貫翼從德備左面智參照來其人以爲是非之越大猷將隱既曰像法任之益滯是以敢於佛前所聞經法親承即集先巡隄防遮抑邪流助宣法化故其爲經也先立章以崇本後廣演以明義明義之體四焉問分也非問分也攝相應分也序分也問分者寄言扣擊明夫應會非問分者假韻默通唯宣法相攝相應分者總括自他釋非相無序分者遠述因緣以彰性空性空彰則反迷至矣非相無則相與用矣法相宣則邪觀息矣應會明則極無遺矣四體圓足二諦義備故稱無比法也此經於先出阿毗曇雖文言融通而旨格異制又載自空以明宗極故能取貴於當時而垂軌於千

載明典振於遠維四衆率爾同仰是使徇有者祛妄見之惑向化者起即隆之動迢迢焉故冥宗之遺緒也靈臺焉故歸輪之所契也此經標明曩代靈液西吟純教彌於闇風玄門扇於東嶺惟泰天王冲資叙聖宜根標於既住實相結於皇極王德應符闡揚三寶聞該典誥夢想思覽雖曰悠邈感之愈勤會天竺沙門曇摩崛多曇摩耶舍等義學來遊秦王既契宿心相與辨明經理起清言於名教之城散衆微於自無之境超超然誠韻外之

致悖惜然覆美稱之實於是詔令傳譯然承華天哲道詞聖躬玄味遠流妙度淵極特體明旨遂讚其事經師本雖闇誦誠宜謹備以泰弘始九年命書梵文至十年尋應令出但以經趣微遠非從聞言所契苟彼此不相領悟直委之譯人者恐津梁之要未盡於善停至十六年經師漸開秦語令自宣譯皇儲親管理味言意兼了復所向盡然後筆受即復內逞上討其煩重領其指歸故今文之者修飾義之者綴潤并校至十七年訖若乃文外

之功勝契之妙誠非所階未之能詳並求之衆經考之諸論新異之美自宣之於文唯法住之實如有表裏然原其大體有無兼用微文淵富義旨顯灼斯誠有部之永塗大乘之靡趣先達之所宗後進之可仰標以近質綜

不及遠情未能已振麥斯典希感之誠脫復微序庶望賢哲以恕其鄙

舍利弗阿毗曇論卷第一上

姚秦天竺三藏曇摩崛多共曇摩耶舍譯

問分入品第一

問曰幾入答曰十二何等十二內六入外六入何等內六入眼入耳入鼻入舌入身入意入是名內六入何等外六入色入聲入香入味入觸入法入是名外六入如是內六入外六入是名十二入云何眼入眼根是名眼入云何眼入眼界是名眼入云何眼入若眼我分攝去來現在四大所造淨色是名眼入云

何眼入若眼我分攝過去未來現在淨色是名眼入云何眼入我分攝已見色今見色當見色不定若眼我分攝色光已來今來當來不定是名眼入云何眼入若眼我分攝色已對眼今對當對不定若眼無礙是眼入是眼根是眼界是田是物是門是藏是世是淨是泉是海是沃燠是洄瀆是瘡是繫是因是入我分是此岸是內入眼見色是名眼入耳鼻舌身入亦如是云何意入意根是名意入云何意入識陰是名意入云何意入心意識六識身七識界是名意入云何意入若識過去未來現在內外麤細卑勝遠近是名意入云何六識身眼識身耳鼻舌身意識身云何眼識身緣眼綠色緣明緣思惟以此四緣生識已生今生當生不定是名眼識身云何耳鼻舌身意識身緣意緣法緣思惟以此三緣識已生今生當生不定是名意識身是名六識身云何七識界眼識界耳鼻舌身識界意界意識界云何眼識界若識眼根主色境界已生今生當生不定是名眼識界云何耳鼻舌

身識界若識身根主觸境界已生今生當生不定是名身識界云何意界意知法念法若初心已生今生當生不定是名意界云何意識界若識相似不離彼境界及餘相似心已生今生當生不定是名意識界是名七識界云何過去識若識已滅是名過去識云何未來識若識未生未出是名未來識云何現在識若心生未滅是名現在識云何內識若識受是名內識云何外識若識不受是名外識云何麤識若識欲界繫是名麤識云何細識若識色界繫無色界繫不繫是名細識云何卑識若識不善不善法報若識非報非報法不適意是名卑識云何勝識若識善善法報若識非報非報法適意是名勝識云何遠識若諸識相遠極相遠不近不近邊是名遠識云何近識若諸識相近極相近近邊是名近識云何色入色界是名色入云何色入隨行色相是名色入云何色入若色可見有對眼識所知是名色入云何色入若色入業法煩惱所生報我分攝身好色非好色姝妙非姝

妙妍膚非妍膚嚴淨非嚴淨若善心若不善心若無記心所起去來屈伸迴轉身教若外色眼識所知青黃赤白黑紫麤細長短方圓水陸光影烟雲塵霧氣明闇等及餘外色眼識所知是名色入云何聲入聲界是名聲入云何聲入若色不可見有對耳識所知是名聲入云何聲入若聲入業法煩惱所生報我分攝身好聲非好聲眾妙聲非眾妙聲輕聲非輕聲若善心不善心無記心所起集聲音句言語口教若外聲耳識所知具聲大鼓聲小鼓聲箏聲篳篥聲銅鈸聲舞聲歌聲妓樂聲悲聲男聲女聲人聲非人聲眾生聲非眾生聲去聲來聲相觸聲風聲雨聲水聲諸大相觸聲及餘外聲耳識所知是名聲入云何香入香界是名香入云何香入若色不可見有對鼻識所知是名香入云何香入若香入業法煩惱所生報我分攝身好香非好香輕香非輕香適意香非適意香若外香鼻識所知樹根香樹心香樹膠香樹皮香華香葉香果香好香非好香及餘外香鼻識所知是名

香入云何味入味界是名味入云何味入若色不可見有對舌識所知是名味入云何味入若味法入業法煩惱所生報我分攝身甜醋苦辛鹹淡涎癢若外味舌識所知若甜醋若苦辛鹹淡水汁及餘外味舌識所知是名味入云何觸入觸界是名觸入云何觸入若色不可見有對身識所知是名觸入云何觸入若觸入業法煩惱所生報我分攝身冷熱輕重麤細澀滑堅軟若外觸身識所知若冷熱輕重麤細澀滑堅軟及餘外觸身識所知是名觸入云何法入法界是名法入云何法入受想行陰若色不可見無對若無為是名法入云何法入受想思觸思惟覺觀見慧解脫無貪無恚無癡順信悔不悔悅喜心進心除信欲不放逸念定心捨疑怖使生老死命結無想定得果滅盡定身口非戒無教有漏身口戒無教有漏身進有漏身除正語正業正命正身進正身除智緣盡非智緣盡決定法住緣空處智識處智不用處智非想非非想處智是名法入

十二入幾色幾非色十色一非色一二分或色或非色云何十色眼入耳鼻舌身入色入聲香味觸入是名十色云何一非色意入是名一非色云何一二分或色或非色法入是名一二分或色或非色云何法入色身口非戒無教有漏身口戒無教有漏身進有漏身除正語正業正命正身進正身除是名法入云何法入非色受想乃至滅盡定智緣盡乃至非想非非想處智是名法入非色十二入幾可見幾不可見一可見十一不可見云何一可見色入是名一可見云何十一不可見九色入意入法入是名十一不可見十二入幾有對幾無對十有對二無對云何十有對十色入是名十有對云何二無對意入法入是名二無對

十二入幾聖幾非聖十非聖二分或聖或非聖云何十非聖十色入是名十非聖云何二分或聖或非聖意入法入是名二分或聖或非聖云何意入非聖若意入有漏是名意入非聖云何意入非聖若意識受陰是名意入非聖云何意入非聖若意入非學非無學眼識乃至意識是名意入非聖云何意入聖若意入無漏是名意入聖云何意入聖若意入信相應意界意識界是名意入聖云何意入聖若意入學無學學人離結使聖心入聖道若堅信堅法及餘趣人見行過患觀涅槃寂滅如實觀苦集盡道未得欲得未解欲解未證欲證離煩惱修道見學人若須陀洹斯陀含阿那含觀智具足若智地若觀解脫心即證阿羅漢果若實人若趣若意界若意識界是名意入聖云何法入非聖若法入有漏是名法入非聖云何法入非聖受陰想受陰行受陰若色不可見無對有漏若非聖無為是名法入非聖云何法入非聖法入非學非無學受想乃至無想定初四色非聖七無為是名法入非聖云何法入聖若法入無漏是名法入聖云何法入聖若信根信根相應心數法若

法無緣無漏是名法入聖云何法入聖若法入學無學學人離結使聖心入聖道若堅信堅法及餘趣入見行過患觀涅槃寂滅如實觀苦集滅道未得欲得未解欲解未證欲證離煩惱修道見學人若須陀洹斯陀含阿那含觀智具足若智地若觀解脫心即證沙門果若須陀洹果斯陀含果若阿那含果無學人欲得阿羅漢未得聖法欲得觀智具足若智地若觀解脫心即證阿羅漢果若實人若趣若受想思觸思惟覺觀見慧解脫無癡順信悅喜心進心除信欲不放逸念定心捨得果滅盡定正語正業正命正身進正身除智緣盡決定是名法入聖

十二入幾有漏幾無漏十有漏二分或有漏或無漏云何十有漏十色入是名十有漏云何二分或有漏或無漏意入法入是名二分或有漏或無漏云何意入有漏若意入有愛是名意入有漏云何意入有漏識受陰是名意入有漏云何意入有漏意入非學非無學眼識乃至意識是名意入有漏云何

意入無漏若意入無愛是名意入無漏云何意入無漏若意入信根相應意界意識界是名意入無漏云何意入無漏若意入學若無學學人離結使乃至即證阿羅漢果若實人若趣若意界意識界是名意入無漏云何法入有漏若法入有愛是名法入有漏云何法入有漏受受陰想受陰行受陰若色不可見無對有愛是名法入有漏云何法入有漏若法入非學非無學受想乃至無想定初四色是名法入有漏云何法入無漏若法入無愛是名法入無漏云何法入無漏若信根信根相應心數法若法無緣無愛是名法入無漏云何法入無漏若法入學若無學若無為學人離結使乃至即證阿羅漢果若實人若趣若受想思觸思惟覺觀見慧解脫無癡順信悅喜心進心除信欲不放逸念定心捨得果滅盡定正語正業正命正身進正身除智緣盡非智緣盡決定法住緣空處智識處智不用處智非想非非想處智是名法入無漏有愛無愛有求無求當取非當取有取無取有

勝無勝亦如是

十二入幾受幾非受五受七分或受或非受云何五受眼入耳鼻舌身入是名五受云何七分或受或非受色入聲香味觸入意入法入是名七分或受或非受云何色入受若受若色入若內是名色入受云何色入受若色入業法煩惱所生報我分攝身好色非好色姝妙非姝妙妍膚非妍膚嚴淨非嚴淨若受心所起去來屈伸迴轉身教是名色入受云何色入非受若色入外是名色入非受云何色入非受色入若善不善無記非我分攝若善心不善心非報非報法心所起去來屈伸迴轉若外色眼識所知是名色入非受云何聲入受若聲入內聲入是名聲入受云何聲入受若聲入業法煩惱所生報我分攝身好聲非好聲眾妙聲非眾妙聲輕聲非輕聲受心所起集聲音句語言口教是名聲入受云何聲入非受若聲入外是名聲入非受云何聲入非受若聲入若善不善無記非我分攝若善心不善心非報非報法心所起集聲

音句言語口教若外聲耳識所知是名聲入
非受云何香入受若香入內香入是名香入
受云何香入受若香入業法煩惱所生報我
分攝身好香非好香輕香非輕香適意香非
適意香是名香入受云何香入非受若香入
外若外香鼻識所知樹根香樹心香樹膠香
樹皮香葉香華香果香好香非好香及餘外
香鼻識所知是名香入非受云何味入受若
味入內味入是名味入受云何味入受若味
入業法煩惱所生報我分攝身甜醋苦辛鹹
淡涎癢是名味入受云何味入非受若味入
外若外味舌識所知若甜醋若苦辛若鹹淡
若水若汁及餘外味舌識所知是名味入非
受云何觸入受若觸入內是名觸入受云何
觸入受若觸入業法煩惱所生報我分攝身
冷熱輕重^身細澀滑堅^上輕是名觸入受云何
觸入非受若外觸入身識所知若冷若熱若
輕若重若麤若細若澀若滑若堅若輕及餘
外觸身識所知是名觸入非受云何意入受
若意入內是名意入受云何意入受若意入

業法煩惱所生報我分攝眼識乃至意識是
名意入受云何意入非受若意入外是名意
入非受云何意入非受若意入善不善無記
非我分攝眼識乃至意識是名意入非受云
何法入受若法入內是名法入受云何法入
受若法入業法煩惱所生報我分攝受想思
觸思惟覺觀見慧解脫悔不悔悅喜心進信
欲念怖生命有漏身進是名法入受云何法
入非受若法入外是名法入非受云何法入
非受若法入善不善無記非我分攝除命餘
法入非受是名法入非受內外亦如是
十二入幾有報幾無報八無報四二分或有
報或無報云何八無報眼耳鼻舌身入香
入味入觸入是名八無報云何四二分或有
報或無報色入聲入意入法入是名四二分
或有報或無報云何色入有報若色入報法
是名色入有報云何色入有報若色入善不
善心善不善心所起去來屈伸迴轉是名色
入有報云何色入無報若色入報若色入非
報非報法身好色非好色姝妙非姝妙妍膚

非妍膚嚴淨非嚴淨無記心所起去來屈伸
迴轉若外色眼識所知是名色入無報云何
聲入有報若聲入報法是名聲入有報云何
聲入有報聲入若善若不善善心不善心所
起集聲音句言語口教是名聲入有報云何
聲入無報若聲入報若聲入非報非報法身
好聲非好聲眾妙聲非眾妙聲輕聲非輕聲
若無記心所起集聲音句言語口教若外聲
耳識所知是名聲入無報云何意入有報若
意入報法是名意入有報云何意入有報除
意入善報餘意入善不善意界意識界是名
意入有報云何意入無報若意入報若意入
非報非報法眼識乃至意識是名意入無報
云何法入有報若法入報法是名法入有報
云何法入有報除法入善報餘法入善有爲
若不善受想乃至煩惱使結二定法入一切
色是名法入有報云何法入無報若法入報
若法入非報非報法除無貪無恚無癡煩惱
使結身口非戒無教餘法入無報
十二入幾心幾非心一心十一非心云何一

心意入是名一心云何十一非心除意入餘非心是名十一非心

十二入幾心相應幾非心相應十非心相應一不說心相應非心相應二分或心相應或非心相應云何十非心相應十色入是名十非心相應云何一不說心相應非心相應意入是名一不說心相應非心相應云何一二分或心相應或非心相應法入是名一二分或心相應或非心相應云何法入心相應若法入心數受想乃至煩惱使是名法入心相應云何法入非心相應若法入非心所生乃至非想非非想處智是名法入非心相應十二入幾心數幾非心數十一非心數一二分或心數或非心數云何十一非心數十色入意入是名十一非心數云何一二分或心數或非心數法入是名一二分或心數或非心數云何法入心數若法入有緣受想乃至煩惱使是名法入心數云何法入非心數若法入無緣生乃至非想非非想處智是名法入非心數

十二入幾緣幾非緣一緣十非緣一二分或有緣或非緣云何一緣意入是名一緣云何十無緣十色入是名十無緣云何一二分或緣或非緣法入是名一二分或緣或非緣云何法入緣若法入心數受想乃至煩惱使是名法入緣云何法入無緣若法入非心數生乃至非想非非想處智是名法入無緣

十二入幾共心幾非共心十一非共心一二分或共心或非共心云何十一非共心十色入意入是名十一非共心云何一二分或共

心或非共心法入是名一二分或共心或非共心云何法入共心若法入隨心轉共心生共住共滅受想乃至煩惱使有漏身口戒無教有漏身進有漏身除正語正業正命正身進正身除是名法入共心云何法入非共心

若法入不隨心轉不共心生不共住不共滅生乃至非想非非想處智是名法入非共心隨心轉不隨心轉亦如是

十二入幾業幾非業九非業三二分或業或非業云何九非業眼入耳入鼻入舌入身入

意入香入味入觸入是名九非業云何三二分或業或非業色入聲入法入是名三二分或業或非業云何色入業若善心不善心無記心所起去來屈伸迴轉身教是名色入業云何色入非業身好色非好色妹妙非妹妙妍膚非妍膚嚴淨非嚴淨若外色眼識所知是名色入非業云何聲入業若善心不善心無記心所起集聲音言言語口教是名聲入業云何聲入非業身好聲非好聲眾妙聲非眾妙聲輕聲非輕聲若外聲耳識所知是名聲入非業云何法入業思身口非戒無教有漏身口戒無教正語正業正命是名法入業云何法入非業除思身口非戒無教有漏身口戒無教正語正業正命餘法入非業是名法入非業

十二入幾業相應幾非業相應一業相應十非業相應一三分或業相應或非業相應或不說業相應非業相應云何一業相應意入是名一業相應云何十非業相應十色入是名十非業相應云何一三分或業相應或非

十二入幾共業幾不共業一共業十非共業
一二分或共業非共業云何一共業意入是

名一共業云何十非共業十色入是名十非
共業云何一二分或共業或非共業法入是
名一二分或共業或非共業云何法入共業
若法入隨業轉共業生共住共滅受想定心
思觸乃至煩惱使無想定滅盡定有漏身口
戒無教有漏身進有漏身除正語正業正命
正身進正身除是名法入共業云何法入非
共業法入若不隨業轉不共業生不共住不
共滅不定心思生老死命結得果身口非戒
無教有漏身口戒無教有漏身進九無爲是

十二入幾因幾非因一因七非因四二分或

因或非因云何一因意入是名一因云何七

非因眼入耳入鼻入舌入身入香入味入是

名七非因云何四二分或因或非因色入聲

入觸入法入是名四二分或因或非因云何

色入因色入若報法是名色入因云何色入

因色入若善心不善心所起去來屈伸迴轉

身教是名色入因云何色入非因色入若報

色入若非報非報法身好色非好色端嚴非

端嚴妍膚非妍膚嚴淨非嚴淨無記心所起

去來迴轉屈伸身教若外色眼識所知是名

色入非因云何聲入因若聲入報法是名聲

入因云何聲入因若聲入善不善若善心不

善心所起集聲音句言語口教是名聲入因

云何聲入非因若聲入報若聲入非報非報

法身好聲非好聲衆妙聲非衆妙聲輕聲非

軟聲無記心所起集聲音句言語口教若外

聲耳識所知是名聲入非因云何觸入因因

四大地大水大風大火大是名觸入因云何

云何法入因法入緣若法入非緣有報除得

果餘法入非緣善報受想乃至煩惱使二定

結一切色是名法入因云何法入非因若法

入緣入無報不共業生老死命得果有漏身

進九無爲是名法入非因

舍利弗阿毗曇論卷第一

音釋

阿毗曇梵語也亦云阿毗達磨此云微非無比法毗頻脂切曇徒含切微非

也切美祛立於切疊無匪切疊疊意也曩乃黨切

液夷也切
津也
參猶也切
忍也
閼郎客切
風也
仙也
苑也
閼音
悒伊
悒淫

靜貌懽深綴陟綴衛切分去聲沃焦沃焦烏酷切洄切復切

洄音回
復音復
流也復
姝美春好也切
女妍
膚五堅切

無切筓篋
皮也筓篋切筓篋樂器也鉤鈹蒲撥切膠

居肴切
黏膏也
舌甘徒兼切
甘也
酉昔倉故切
涎癰
涎文連切
癰於禁切

心中澀不滑也

舍利弗阿毗曇論卷第一下

驚一

姚秦天竺三藏曇摩多共曇摩耶舍譯

問分入品第一之餘

十二入幾有因幾無因十一有因一二分或有因或無因云何十一有因十色入意入是名十一有因云何一二分或有因或無因云何十二入是名一二分或有因或無因云何法入有因若法入有緒受想乃至正身除是名法入有因云何法入無因若法入無緒智緣盡乃至非想非非想處智是名法入無因有緒無緒有因無因有緣無緣有為無為亦如是
十二入幾知幾非知一切知如事知見
十二入幾識幾非識一切識意識如事識
十二入幾解幾非解一切解如事知見
十二入幾了幾非了了一切了如事知見
十二入幾斷智知幾非斷智知八非斷智知四二分或斷智知或非斷智知云何八非斷智知眼入耳入鼻入舌入身入香入味入觸入是名八非斷智知云何四二分或斷智知或非斷智知色入聲入意入法入是名四二

分或斷智知或非斷智知云何色入斷智知若色入不善不善心所起去來屈伸迴轉身教是名色入斷智知云何色入非斷智知色入若善若無記身好色非好色妍膚非妍膚嚴淨非嚴淨若善心若無記心所起去來屈伸迴轉身教若外色眼識所知是名色入非斷智知云何聲入斷智知若聲入不善不善心所起集聲音言語言語口教是名聲入斷智知云何聲入非斷智知若聲善無記身好聲非好聲聲妙聲非聲妙聲輕聲非輕聲若善心若無記心所起集聲音言語言語口教若外聲耳識所知是名聲入非斷智知云何意入斷智知若意入不善界意識界是名意入斷智知云何意入非斷智知意入若善若無記眼識乃至意識是名意入非斷智知云何法入斷智知若法入不善受想思觸思惟覺觀見慧解脫悔不悔悅喜心進信欲念知疑怖煩惱使結身口非戒無教有漏身進是名法入斷智知云何法入非斷智知除使結身口非戒無教餘法入非斷智知是名法入

非斷智知斷非斷亦如是
十二入幾修幾非修八非修四二分或修或非修云何八非修眼入耳入鼻入舌入身入香入味入觸入是名八非修云何四二分或修或非修色入聲入意入法入是名四二分或修或非修云何色入修色入若善心所起去來屈伸迴轉身教是名色入修云何色入非修若色入不善若無記身好色非好色端嚴非端嚴妍膚非妍膚嚴淨非嚴淨若不善心若無記心所起去來屈伸迴轉身教若外色眼識所知是名色入非修云何聲入修聲入若善善心所起集聲音言語言語口教是名聲入修云何聲入非修若聲入不善若無記身好聲非好聲聲妙聲非聲妙聲輕聲非輕聲若不善心若無記心所起集聲音言語言語口教若外聲耳識所知是名聲入非修云何意入修意入若善善心所起集聲音言語言語口教是名意入修云何意入非修意入若不善若無記眼識乃至意識是名意入非修云何法入修法入若善受想乃至心捨無想定得果滅盡定有漏

身口戒無教有漏身進有漏身除正語正業
正命正身進正身除智緣盡決定是名法入
修云何法入非修若法入不善若無記受想
思觸思惟覺觀見慧解脫悔不悔悅喜心進
信欲念疑怖煩惱使生老死命結身口非戒
無教有漏身進非聖七無為是名法入非修
十二入幾證幾非證一切證如事知見
十二入幾善幾非善幾無記八無記四三分
或善或不善或無記云何八無記眼入耳入
鼻入舌入身入香入味入觸入是名八無記

云何四三分或善或不善或無記色入聲入
意入法入是名四三分或善或不善或無記
云何色入善若色入修善心所起去來屈伸
迴轉身教是名色入善云何色入非善若色
入斷不善心所起去來屈伸迴轉身教是名
色入非善云何色入無記若色入受色入非
報非報法身好色非好色端嚴非端嚴妍膚
非妍膚嚴淨非嚴淨無記心所起去來屈伸
迴轉身教若外色眼識所知是名色入無記
云何聲入善若聲入修善心所起集聲音句

言語口教是名聲入善云何聲入不善若聲
入斷不善心所起集聲音句言語口教是名
聲入不善云何聲入無記若聲入受若聲入
非報非報法身好聲非好聲眾妙聲非眾妙
聲輟聲非輟聲無記心所起集聲音句言語
口教若外聲耳識所知是名聲入無記云何
意入善若意入修意界意識界是名意入善
云何意入不善若意入斷意界意識界是名
意入不善云何意入無記若意入受若意入
非報非報法眼識乃至意識是名意入無記

云何法入善若法入修受想乃至心捨無想
定得果滅盡定有漏身口戒無教有漏身進
有漏身除正語正業正命正身進正身除智
緣盡決定是名法入善云何法入不善若法
入斷受想思觸思惟覺觀見慧解脫悔不悔
悅喜心進信欲念疑怖使結身口非戒無教
有漏身進是名法入不善云何法入無記若
法入受若法入非報非報法非聖無為受想
思觸思惟覺觀見慧解脫悔不悔悅喜心進
信欲念怖生老死命有漏身進非聖七無為

是名法入無記

十二入幾學幾無學幾非學非無學十非學
非無學二三分或學或無學或非學非無學
云何十非學非無學十色入是名十非學非
無學云何二三或學或無學或非學非無
學意入法入是名二三或學或無學或非
學非無學云何意入學若意入聖非無學是
名意入學云何意入學若意入學信根相應
意界意識界是名意入學云何意入學學人
離結使聖心入聖道若堅信若堅法及餘趣

人見行過患觀涅槃寂滅如實觀苦集滅道
未得欲得未解欲解未證欲證離煩惱修道
見學人若須陀洹若斯陀含若阿那含若觀
智具足若智地若觀解脫心即證沙門果若
須陀洹果若斯陀含果若阿那含果若實人
若趣意界意識界是名意入學云何意入無
學若意入聖非學是名意入無學云何意入
無學若意入無學信根相應意界意識界是
名意入無學云何意入無學無學人欲得阿
羅漢未得聖法欲得修進觀智具足若智地

若觀解脫心即得阿羅漢果若實人若趣若
 意界意識界是名意入無學云何意入非學
 非無學若意入非聖識受陰眼識乃至意識
 是名意入非學非無學云何法入學若法入
 聖非無學是名法入學云何法入學學信根
 及信根相應心數法若法非緣無漏非無學
 是名法入學云何法入學學人離結使聖心
 入聖道乃至即得阿那含果若實人若趣若
 受想思觸思惟覺觀見慧解脫無癡順信悅
 喜心進心除信欲不放逸定心捨得果滅
 盡定正語正業正命正身進正身除智緣盡
 決定是名法入學云何法入無學若法入聖
 非學是名法入無學云何法入無學無學信
 根及信根相應心數法若法入若非緣無漏
 非學是名法入無學云何法入無學無學人
 乃至即得阿羅漢果若實人若趣若受想思
 觸思惟覺觀見慧解脫無癡順信悅喜心進
 心除信欲不放逸定心捨得果滅盡定正
 語正業正命正身進正身除智緣盡是名法
 入無學云何法入非學非無學若法入非聖

受受陰想受陰行受陰若色不可見無對有
 漏非聖無為受想乃至無想定初四色非聖
 七無為是名法入非學非無學
 十二入幾報幾報法幾非報非報法五報三
 二分或報或非報非報法四三分或報或報
 法或非報非報法云何五報眼入耳入鼻入
 舌入身入是名五報云何三分或報或非
 報非報法香入味入觸入是名三分或報
 或非報非報法云何四三分或報或報法或
 非報非報法色入聲入意入法入是名四三
 分或報或報法或非報非報法云何香入報
 香入若受是名香入報云何香入報香入若
 業法煩惱所生報我分攝身好香非好香輕
 香非輕香適意香非適意香是名香入報云
 何香入非報非報法若香入外若外香鼻識
 所知樹根香樹心香樹膠香樹皮香葉香華
 香果香好香非好香及餘外香鼻識所知是
 名香入非報非報法云何味入報若味入受
 是名味入報云何味入報若味入業法煩惱
 所生報我分攝身甜醋苦辛鹹淡涎痰是名

味入報云何味入非報非報法若味入外若
 外味入舌識所知若甜醋苦辛鹹淡水汁及
 餘外味舌識所知是名味入非報非報法云
 何觸入報若觸入受是名觸入報云何觸入
 報若觸入業法煩惱所生報我分攝身冷熱
 輕重麤細澀滑堅軟是名觸入報云何觸入
 非報非報法若觸入外若外觸身識所知若
 冷熱輕重麤細澀滑堅軟及餘外觸身識所
 知是名觸入非報非報法云何色入報若色
 入受是名色入報云何色入報若色入業法
 煩惱所生報我分攝身好色非好色端嚴非
 端嚴妍膚非妍膚嚴淨非嚴淨受心所起去
 來屈伸迴轉身教是名色入報云何色入報
 法若色入有報是名色入報法云何色入報
 法色入若善不善若善心若不善心所起去
 來屈伸迴轉身教是名色入報法云何色入
 非報非報法若色入無記非我分攝非報非
 報法心所起去來屈伸迴轉身教若外色眼
 識所知是名色入非報非報法云何聲入報
 若聲入受是名聲入報云何聲入報若聲入

業法煩惱所生報我分攝身好聲非好聲衆妙聲非衆妙聲輒聲非輒聲受心所起集聲音言語口教是名聲入報云何聲入報法若聲入有報是名聲入報法云何聲入報法若聲入善不善若善心若不善心所起集聲音言語口教是名聲入報法云何聲入非報非報法若聲入無記非我分攝非報非報法心所起集聲音言語口教若外聲耳識所知是名聲入非報非報法云何意入報若意入受若意入善報眼識乃至意識是名意入報云何意入報法若意入有報是名意入報法云何意入報法除意入善報餘意入善若不善意界意識界是名意入報法云何意入非報非報法若意入無記非我分攝眼識乃至意識是名意入非報非報法云何法入報若法入受若法入善報除無貪無瞋受想乃至心捨怖生命無想定得果滅盡定有漏身口戒無教有漏身進有漏身除正語正業正命正身進正身除是名法入報云何法入報法若法入有報是名法入報法云何法

入報法除法入善報餘入善有爲若不善受想乃至煩惱使結二定一切色是名法入報法云何法入非報非報法若法入無記非我分攝若聖無爲受想思觸思惟覺觀見慧解脫悔不悔悅喜心進信欲念怖生老死有漏身進九無爲是名法入非報非報法十二入幾見斷幾思惟斷幾非見斷非思惟斷八非見斷非思惟斷四三分或見斷或思惟斷或非見斷非思惟斷云何八非見斷非思惟斷眼入耳入鼻入舌入身入香入味入觸入是名八非見斷非思惟斷云何四三分或見斷或思惟斷或非見斷非思惟斷色入聲入意入法入是名四三分或見斷或思惟斷或非見斷非思惟斷云何色入見斷若色入不善非思惟斷見斷煩惱心所起去來屈伸迴轉身教是名色入見斷云何色入思惟斷若色入不善非見斷思惟斷煩惱心所起去來屈伸迴轉身教是名色入思惟斷云何色入非見斷非思惟斷若色入善若無記身好色非好色端嚴非端嚴妍膚非妍膚嚴淨

非嚴淨若善心若無記心所起去來屈伸迴轉身教若外色眼識所知是名色入非見斷非思惟斷云何聲入見斷若聲入不善非思惟斷見斷煩惱心所起集聲音言語口教是名聲入見斷云何聲入思惟斷若聲入不善非見斷思惟斷煩惱心所起集聲音言語口教是名聲入思惟斷云何聲入非見斷非思惟斷若聲入善若無記身好聲非好聲衆妙聲非衆妙聲輒聲非輒聲若善心若無記心所起集聲音言語口教若外聲耳識所知是名聲入非見斷非思惟斷云何意入見斷若意入不善非思惟斷見斷煩惱相應意界意識界是名意入見斷云何意入思惟斷若意入不善非見斷思惟斷煩惱相應意界意識界是名意入思惟斷云何意入非見斷非思惟斷若意入善若無記眼識乃至意識是名意入非見斷非思惟斷云何法入見斷若法入不善非思惟斷見斷煩惱一時俱斷受想思觸思惟覺觀見慧解脫悔不悅悅喜心進信欲念疑怖煩惱使結身口非戒

無教有漏身進是名法入見斷云何法入思惟斷若法入不善非見斷思惟斷煩惱一時俱斷受想思觸思惟覺觀見慧解脫悔不悔悅喜心進信欲念怖煩惱使結身口非戒無教有漏身進是名法入思惟斷云何法入非見斷非思惟斷若法入善若無記除疑煩惱使結身口非戒無教餘法入是名法入非見斷非思惟斷

十二入幾見斷因幾思惟斷因幾非見斷非思惟斷因一切三分或見斷因或思惟斷因

或非見斷非思惟斷因云何眼入見斷因若眼入見斷法報地獄畜生餓鬼眼入是名眼入見斷因云何眼入思惟斷因若眼入思惟斷法報地獄畜生餓鬼眼入是名眼入思惟斷因云何眼入非見斷非思惟斷因若眼入善法報天上人中眼入是名眼入非見斷非思惟斷因耳入鼻入舌入身入亦如是云何意入見斷因若意入見斷若意入見斷法報眼識乃至意識是名意入見斷因云何意入思惟斷因若意入思惟斷法報眼識乃至意

識是名意入思惟斷因云何意入非見斷非思惟斷因若意入善若意入善法報若意入非報非報法眼識乃至意識是名意入非見斷非思惟斷因云何色入見斷因若色入見斷若色入見斷法報身非好色非端嚴非妍膚非嚴淨見斷因心所起去來屈伸迴轉身教是名色入見斷因云何色入思惟斷因若色入思惟斷若思惟斷法報身非好色不端嚴非妍膚非嚴淨思惟斷因心所起去來屈伸迴轉身教是名色入思惟斷因云何色入

非見斷非思惟斷因若色入善若色入善法報若色入非報非報法身好色端嚴妍膚嚴淨非見斷非思惟斷心所起去來屈伸迴轉身教若外色眼識所知是名色入非見斷非思惟斷因云何聲入見斷因若聲入見斷若聲入見斷法報身不好聲非眾妙聲非輭聲見斷法因心所起集聲音言言語口教是名聲入見斷因云何聲入思惟斷因若聲入若思惟斷若聲入思惟斷法報身不好聲非眾妙聲非輭聲思惟斷因心所起集聲音言

語口教是名聲入思惟斷因云何聲入非見斷非思惟斷因若聲入善若聲入善法報若聲入非報非報法身好聲眾妙聲輭聲非見斷非思惟斷因心所起集聲音言言語口教若外聲耳識所知是名聲入非見斷非思惟斷因云何香入見斷因若香入若見斷法報身不好香非輭香不適意香是名香入見斷因云何香入思惟斷因若香入思惟斷法報身不好香非輭香不適意香是名香入思惟斷因云何香入非見斷非思惟斷因若香入

善法報若香入非報非報法身好香輭香適意香若外香鼻識所知是名香入非見斷非思惟斷因云何味入見斷因若味入見斷法報身甜醋苦辛鹹淡涎癢是名味入見斷因云何味入思惟斷因若味入思惟斷法報身甜醋苦辛鹹淡涎癢是名味入思惟斷因云何味入非見斷非思惟斷因若味入善法報何味入非見斷非思惟斷因若味入善法報若味入非報非報法身甜醋苦辛鹹淡涎癢若外味舌識所知是名味入非見斷非思惟斷因云何觸入見斷因若觸入見斷法報身

冷熱麤重堅澀是名觸入見斷因云何觸入
思惟斷因若觸入思惟斷法報身冷熱麤重
堅澀是名觸入思惟斷因云何觸入非見斷
非思惟斷因若觸入善法報若觸入非報法
身冷熱輕細軟滑若外觸身識所知是名觸
入非見斷非思惟斷因云何法入見斷因若
法入見斷因若法入若見斷法報受想思觸
思惟覺觀見慧解脫悔不悔悅喜心進信
欲念怖煩惱使生命結身口非戒無教有漏
身進是名法入思惟斷因云何法入非見斷
非思惟斷因若法入若善善法報若法入非
報非報法除疑煩惱使結身口非戒無教餘
法入非見斷非思惟斷因是名法入非見斷
非思惟斷因

若法入思惟斷若法入思惟斷法報受想思
觸思惟覺觀見慧解脫悔不悔悅喜心進信
欲念怖煩惱使生命結身口非戒無教有漏
身進是名法入思惟斷因云何法入非見斷
非思惟斷因若法入若善善法報若法入非
報非報法除疑煩惱使結身口非戒無教餘
法入非見斷非思惟斷因是名法入非見斷
非思惟斷因

二四分或欲界繫或色界繫或無色界繫或
不繫云何四欲界繫舌入鼻入香入味入是
名四欲界繫云何六二分或欲界繫或色界
繫眼入耳入身入色入聲入觸入是名六二
分或欲界繫或色界繫云何二四分或欲界
繫或色界繫或無色界繫或不繫意入法入
是名二四分或欲界繫或色界繫或無色界
繫或不繫云何眼入欲界繫若眼入欲漏有
漏眼入是名眼入欲界繫云何眼入色界繫
若眼入色漏有漏眼入是名眼入色界繫耳

入身入亦如是云何色入欲界繫若色入欲
漏有漏身好色非好色端嚴非端嚴妍媚非
妍媚嚴淨非嚴淨欲行心所起去來屈伸迴
轉身教若外色眼識所知欲漏有漏是名色
入欲界繫云何色入色界繫若色入色漏有
漏身好色端嚴妍媚嚴淨色行心所起去來
屈伸迴轉身教若外色眼識所知色漏有漏
是名色入色界繫云何聲入欲界繫若聲入
欲漏有漏身好聲非好聲眾妙聲非眾妙聲
輒聲非輒聲欲行心所起集聲音句言語口

教若外聲耳識所知欲漏有漏是名聲入欲
界繫云何聲入色界繫若聲入色漏有漏身
好聲眾妙聲輒聲色行心所起集聲音句言
語口教若外聲耳識所知色漏有漏是名聲
入色界繫云何觸入欲界繫若觸入欲漏有
漏身冷熱輕重麤細澀滑堅軟若外觸身識
所知欲漏有漏是名觸入欲界繫云何觸入
色界繫若觸入色漏有漏身冷熱輕重麤細
軟滑若外觸身識所知色漏有漏是名觸入
色界繫云何意入欲界繫若意入欲漏有漏

眼識乃至意識是名意入欲界繫云何意入
色界繫若意入色漏有漏眼識耳識身識意
識是名意入色界繫云何意入無色界繫若
意入無色漏有漏意界意識界是名意入無
色界繫云何意入不繫若意入聖無漏意界
意識界是名意入不繫云何法入欲界繫若
法入欲漏有漏受想思觸思惟覺觀見慧解
脫無貪無恚無癡順信悔不悔悅喜心進信
欲不放逸念慧怖煩惱使生老死命結身口
非戒無教有漏身口戒無教有漏身進是名

法入欲界繫云何法入色界繫若法入色漏有漏受想思觸思惟覺觀見慧解脫無癡順信悅喜心進心除信欲不放逸念定心捨煩惱使生者死命結無想定有漏身口戒無教有漏身進有漏身除是名法入色界繫云何法入無色界繫若法入無色漏有漏受想思觸思惟見慧解脫無癡順信心進心除信欲不放逸念定心捨疑煩惱使生者死命結有漏身口戒無教有漏身進有漏身除是名法入無色界繫云何法入不繫若法入聖無漏無為受想思觸思惟覺觀見慧解脫無癡順信悅喜心進心除信欲不放逸念定心捨得果滅盡定正語正業正命正身進正身除凡無為是若法入不繫

十二人幾過去幾未來幾現在幾非過去非未來非現在十一三分或過去或未來或現在一四分或過去或未來或現在或非過去非未來非現在云何十一三分或過去或未來或現在眼入乃至觸入是名十一三分或過去或未來或現在云何一四分或過去或

未來或現在或非過去非未來非現在法入是名一四分或過去或未來或現在或非過去非未來非現在云何眼入過去若眼入生已滅眼入是名眼入過去云何眼入未來若眼入未生未出是名眼入未來云何眼入現在若眼入生未滅眼入是名眼入現在乃至觸入亦如是云何法入過去若法入生已滅受想乃至正身除是名法入過去云何法入未來若法入未生未出受想乃至正身除是名法入未來云何法入現在若法入生未滅受想乃至正身除是名法入現在云何法入非過去非未來非現在若法入無為智緣盡乃至非有想非無想處智是名法入非過去非未來非現在

舍利弗阿毗曇論卷第一下

舍利弗阿毗曇論卷第二 驚三
姚秦天竺三藏曇摩崛多共曇摩耶舍譯

問分界品第二

問曰幾界答曰十八界云何十八界眼界耳界鼻界舌界身界色界聲界香界味界觸界眼識界耳識界鼻識界舌識界身識界意識界法界云何眼界眼根是名眼界云何眼界眼入是名眼界云何眼界若眼我分攝四大所造淨色是名眼界若眼我分攝眼界四大所造過去未來現在淨色是名眼界云何眼界若眼我分攝已見色今見當見不定若眼我分攝色光已來今來當來不定是名眼界云何眼界若眼我分攝眼已對色今對當對不定若眼我分攝色已對眼今對當對不定是名眼界若眼無礙是眼是眼入是眼根是眼界是田是物是門是藏是世是淨是泉是海是沃焦是洄瀾是瘡是繫是因是入我分是此岸是內入眼見色是名眼界耳界鼻界舌界身界亦如是云何色界色入是名色界云何色界若色隨行色相是名色界云